

Cesar electus

Cunradus, der *ander* und der erst hertzog in Francken, ward erwelt nach Cristi gepurt tusent XXXIIII jar und regiert XVIII jar. Der kaiser pot stätten frid den landen. Und wer daz prach, dem solt man daz hapt abschlagen. Nun ward ainer hertzog in Francken an seiner stat, der prach daz pot.

Nominatus Leopoldus

Der forcht den kaiser und floch mit seiner (*f. 192va*)
10 frauen in den Schwartzwald in ain müly. Und waz als lang da, untz daz sein fraw groß trüg und gepar ain knaben. Und der kaiser jagt an dem wald und benachtet da. Und kam un-
gefärd zu der müll. Da floch hertzog Lüpolt in das holtz, und die fraw belaib mit dem kind in der müll. Da sprach ain
15 stim zu dem kaiser: "Du sold virw^v wissen, daz daz kind noch dein aidem wirt". Dez erschrack der kaiser, und hies die purn daz kind tötten und im daz hertz dez kinds wider pringen. Da legten sy daz kind uf ain paum und prachten im ain hasenhertz. Darnach rait an den wald hertzog Hainrich
20 von Schwaben. Der vand das kind und pracht es seiner alten frauen zu ainem sun und nant in Hainrich nach im. Er ward auch starck und klüg und auch allen lüten genem. Es fügt sich, daz der kaiser kam geritten zu dem hertzen von Schwaben. Und da er den jungling sach, da gedacht er im
25 wie es der knab wer, den er hett haissen tötten. Und mit hertzog Hainrichs willen sant er in der kaiserin und schraib ir haimlich, daz sy den knaben solt lausen tötten, als lieb ir daz leben wer. Da kam der knab zu ainem geler-

1 Cesar electus fehlt *Wo, M₁*. 2 *ander* *Wo*] XXVIII *Wi*.
neun und zwai zigist und hundertist (!) pabst (!), aber
wieder gestrichen *M₁* (! 2 mit hochgestellter *us-Kürzung*
falsch gelesen!). 3 daz hapt] den kopf *Wo, M₁*. abschla-
gen] nemen *Wo, M₁*. 6 Francken] Franckreich *Wo, M₁*. 8
Nominatus] *Numinatus* (!) *Wi*. *Nominatus* Leopoldus fehlt
Wo, M₁. 10 vor frauen: macht und mit seiner *M₁*. in²]
zw *Wo, M₁*. 11 trüg] ward *Wo*. knaben] tegenhind *Wo, M₁*.
12/13 ungefärd] on gever *Wo*. 13 in daz] gen *Wo*. 18
im] dem kaiser *Wo, M₁*. 22 genem] (gemain (!) *M₁*) und ain
bolgefallen *Wo, M₁*. 24 im fehlt *Wo, M₁*. 28 knab] pot *Wo*,
M₁.

ten. Da waz er yber nacht. Der stal im die prief und tett
 daz wort ab: "Du sold in lausen tötten", und schraib an die
 stat: "Du sold im mein tochter geben". Und daz tet die
 kaiserin. Und da der kaiser dez ward gewar, der sagt es
 5 dem hertzen und sprach: "Ich sich nun wol, daz der ord-
 nung gotz niemant widerstan mag". Und stift da ein kloster
 an die stat, da er geporen waz und nant es Hirsaw. Und er
 lait begraben z^o Speir der stat.

Vn den pöpsten

10 Clementz, der LVI und C paupst, der ander dez namen,
 saß X monet und nach Cristi gepurt tuset und L jar. Der
 paupst ist ain Tütscher gewesen und vier nach im. Er haut
 auch krönt kaiser Hainrichen den tritten und Angnesen,
 seinen gemachel. Und daz gebain sant Gwidonis, dez hailgen
 15 pischofs, haut kaiser Hainrich us Italia pracht in Speir
 der stat.

Damasus, der LVII und C paupst, der erst dez namen, sas
 ain jar und X monett (*f. 193ra*). Der paupst waz vor pischof
 z^o Prixen gewesen und waz Poppo genant.

20 Leo, der LVIII paupst und C, der XI dez namen, saß V
 jar und zwen monet. Der papst was us Almenia geporn und
 waz pischof gewesen in der stat Tuliens. Der p^vapst hett
 ain concilium z^o Mentz. Da by ist gewesen kaiser Hainrich
 und XL pischof. Da selbs satz er und pot, daz kain prelat
 25 oder priester hund oder vogel und gejäd solt han oder fü-
 ren. Er verpot in auch alle weltliche werck als spilen,
 tantzen, hofieren, trunkenhait. Er pot auch, daz kainer
 solt geweicht werden z^o aim münch yber seinen willen und
 vor dem alter dez elichen wesen. Er best^vat auch die vier

1 im] dem poten *Wo, M₁*. diel den *Wo, M₁*. 3 im] in *M₁*.
 mein] meiner *M₁*. 4 kaiserin] frau *Wo, M₁*. nach da: sein
Wo, M₁. dez fehlt *Wo, M₁*. 8 lait] ist *Wo, M₁*. zül in
Wo, M₁. 9 Von - pöpsten fehlt *Wo, M₁*. 12 nach im: sind
 auch taücz gewesen *Wo, M₁*. 13 Angnesen] Angnes (!) *Wo*.
 14/16 Und - stat fehlt *Wo*. 18/19 Der - genant fehlt *Wo*.
 20 nach C: pabst und *M₁*. 22 Tuliens] Tulliensis *Wo, M₁*.
 23 nach Mentz: gehabt *Wo*, gehalt *M₁*. 25 und] an daz *Wo*.
 han - füren] fueren oder tragen *Wo, M₁*. 26 nach werck:
 die schantlich sind *Wo, M₁*. als] sam *Wo, M₁*. spilen]
 spil *Wo, M₁*. 29 vier fehlt *Wo*.